

15.12.1932

Prelat Mikławš Žur - twarc Radworskeje cyrkwyje - zemrěl	Nikolaus Sauer - der Erbauer der Radiborer Kirche - gestorben
Wysoko česćeny prelat Mikławš Žur, spiritus rector a twarc našeje wulkotneje Radworskeje wosadneje cyrkwyje a 15 lět farar Radworski, je dnja 15.12.1932 w 74. lěće swojeho žiwjenja po dlěšej chorosći w Budyšinje zemrěl. Mikławš Žur je jako młody Administrator – po tym zo bě w lětach 1887/1888 Křižnu cyrkej, kiž bě tehdy w dezolatnym stawje, sporjedžeć a ponowić dał – Radworčanow přeswědčil wo trěbnosći nowotwara cyrkwyje město porjedženja stareje. Wón je tutón rozsud z cyrkwinskimi radžićelemi a wjesnjanostu njedźiwajcy pjenježnych wobmyslenjow dnja 18.07.1888 doskónčnje přetłóčil. Je ze swojimi sobuwowarjemi w oktobrje 1889 collatora, rabiju Clemensa von Einsiedela za twar zdobył tak, zo je wosada wot tutoho samo bjezpłatnje ležownosć za cyrkej darjenu dóstała. Po njeskónčnje wjele wojowanjach a rozestajenjach wo pjenjezy, architekturu a přiměrjenosć tajkeje cyrkwyje je wšitko za spočatk twara w lěće 1894 (fundamenty) a 1895 (hlowne džěła) spřihotował. W aprylu lěta 1894 bu wot Radworja wotwołany a jako kapłan při dwórskej cyrkwi w Drježdžanach postajeny. Čerpješe pod tym jara, kaž jednemu přećelej napisa. Přičina za wotwołanje bě hlownje jeho njesměrny, haj z časami zasakły bój wo nowu cyrkej a přesadženje svojich předstawow – z čimž bě sej tójšto přećiwnikow w cyrkwi kaž tež w statnych instancach sćinił. Tola w septembru lěta 1896 wróci so – nětko jako farar – a dotwari cyrkej, tak zo móžeše so dnja 15. nowembra 1896 swjatočnje wot biskopa Ludwiga Wahla woswjećić. W slědowacych lětach wupyši cyrkej, da wołtarnišćo wumolować a dari cyrkwi wulku postawu swj. Mikławša, kiž steji na lěwej stronje před wołtarnišćom. W nowembru 1903 bu za naslědnika fararja Skale při Serbskej cyrkwi w Budyšinje zwołany. Tak njesprócnije a angažowanje kaž w Radworju džělaše tež w Budyšinje a zdoby sebi wulku česćownosć a připóznaće ze cyrkwinskich a statnych stron. W lěće 1908 bu wón tachantski knjez, mało měsacow po tym powyšichu jeho na konsistorialneho asesora, bu šolastikus, “kantor” a “senior” w tachantstwie. Při znova založenju Mišnjanskeho biskopstwa 1921 bu za domjaceho prelata tehdomneho bamža Benedikta XV. pomjenowany. Ze statneje strony so jeho zaslužby 1913 z Albrechtowym rjadem I. rjadownje počesćichu. W běhu lět sta so z generalnym prokuratorom tachantstwa a bu oficial Mišnjanskeho biskopstwa. Tute zastojnstwo, poľne zamołwitosće, kaž tež hišće zastojnstwo kustosa biskopskeje cyrkwyje, je z wulkej swědomitosću a bjez-přikładnej dypkliwošću wukonjał, doniž jeho chorosć na łožo njesputa. Dnja 15.12.1932 jeho Bóh na prawdu Božu wotwoła. Pohrjebany bu na Budyskim Mikławšku – a tam zaspěwa jemu tež Radworska Hudźbna Jednota (Meja) pod nawodom Michała Nawki jako wěčny džak, za wšitko to, štož je njeboćički za Radwor činił.	

start.....1932

From:
<http://82.165.187.122/> - **Radibor - Chronik**

Permanent link:
http://82.165.187.122/doku.php?id=15.12.1932_n.sauer_gestorben&rev=1679754598



Last update: **2023/03/25 14:29**